

Videonadzor uveden i u Brčko Distriktu

Fiktivni tehnički pregledi mogući još samo u RS

U Brčko Distriktu također je implementiran sistem za videonadzor i automatsko prepoznavanje tablica u regiji, radi praćenja svjetskih trendova na području sigurnosti prometa i unapređivanja stručnog nadzora nad radom stanica za tehnički pregled vozila, kao i poboljšanja kontrole tehničke ispravnosti vozila.

Vlasnici vozila ubuduće neće

moći registrirati automobile ako u evidenciji ne bude i fotografija s obavljenog tehničkog pregleda kao materijalni dokaz prisustva vozila na tehničkom pregledu.

Konzorcij u sastavu IPI Zenica, ANET Zenica i EIB Internationale Banja Luka uradio je cijeli posao, tako da je sistem identičan onome u Federaciji BiH, gdje na 155 stanica funkcionira 176 akti-

vnih kamera. Time je jedino još u RS ostala mogućnost fiktivnog tehničkog pregleda vozila.

- Ovime se sprečavaju brojne zloupotrebe i jedini je sistem za prikupljanje, obradu i distribuciju podataka u BiH, koji je zaštićen u skladu sa zahtjevima ISO 27001:2005 - kazao je za naš list direktor IPI instituta Fuad Klisura. *Ad. H.*